



Rapòte tout aktivite sispèk ba yon anplwaye oswa yon ofisye lapolis.

Nan ka yon ijans, swiv enstwiksyon manm ekip la.

Divilge mesaj sa a ba zanmi ou yo ak manm fanmi ou.

KONSÈY POU SEKIRITE

- Pa manyen okenn atik ou sispèk oswa pa deplase li.
- Pa itilize telefòn selilè oswa radyo kominikasyon.
- Kote zòn nan vit pou ale sou yon distans ki gen sekirite.
- Konnen antouraj ou.

Pou Jwenn Plis Enfòmasyon:

Depatman Sekirite
Teritwa Etazini (U.S. Department of
Homeland Security)/TSA
www.dhs.gov

Administrasyon Federal Tranzit
(Federal Transit Administration)
Transit Watch
<http://www.fta.dot.gov/>



**Homeland Security
and Emergency Services**

Counter
Terrorism

Harriman State Office Campus
1220 Washington Avenue
Building 7A
Albany, NY 12226

www.dhses.ny.gov/oct

si ou
WÈ
YON BAGAY
DI
YON BAGAY™

**Rapòte Nenpòt Aktivite Ou Sispèk nan Liy
Dirèk Eta New York pou Jwenn Konsèy sou
Teworis nan nimewo**

1-866-SAFE-NYS

1-866-723-3697

Tout Kote nan Eta New York

1-888-NYC-SAFE

1-888-692-7233

Nan Vil New York

PWOTEJE NEW YORK



TRANSPÒ KOMEN

Kathy Hochul
Gouvènè



KONNEN UIT (8) SIY TEWORIS YO

1. **Siveyans:** Moun k ap anrejistre, k ap siveye, k ap fè foto yon jan dwòl oswa k ap kontwole aktivite, sitou toupre enfrastrikti enpòtan yo.
2. **Kesyon Sispèk y ap Poze:** Y ap chèche enfòmasyon sou mendèv la ak kantite anplwaye yo, enfòmasyon ki enpòtan pou òganizasyon an, pwotokòl repons ak sekirite san yon bezwen konnen toutbon.
3. **Tès Sekirite:** Vyolasyon sekirite oswa tantativ pou antre kòm yon tès; ka gen ladan anpil fo alam oswa fo alam ki pa gen eksplikasyon; epi/oswa moun ki nan zòn pwoteje ki deklare yo pèdi.
4. **Finansman:** Tranzaksyon sispèk ki konsène peman avèk gwo kantite lajan kach, gwo depo lajan kach, gwo retrè lajan oswa transfè gwo lajan; kontrebann avèk gwo lajan kach; fwod finansye ou sispèk; lavant machandiz ki fo; oswa twonpe òganizasyon charite.
5. **Acha Materyèl:** Acha, vòl, pèt, oswa estokaj materyèl ki nesèsè pou yon atak; ka gen ladan eksploziv, zam, prekisè chimik, òdinatè, plan pwojè, kat jewografik, fo kat idantifikasyon, plan sekirite, materyèl antrènman, elatriye.
6. **Moun Ou Sispèk ki nan Plas yo:** Moun ki sanble pa nan plas yo, ki montre konpòtman iregilye oswa ki posede inifòm, kalifikasyon, oswa veyikil imitasyon/yo vòlè/machin yo anbeli, san otorizasyon.
7. **Repetisyon oswa Esè:** Moun k ap fè pratik pou yon atak pita, pou detèmine ki bon lè ak wout pou yo sove.
8. **Deplwaman Resous:** Ekipman pou pran pozisyon ak/oswa pèsònèl k ap prepare pou yon atak.

FASON OU KAPAB EDE EVITE TEWORIS

- Konnen Woutin yo.
- Chèche konnen sa k ap pase bòkote ou.
- Konsidere sa ou tande a oserye.

Si Ou Wè yon Bagay, Di yon Bagay!

Rapòte nenpòt aktivite ou sispèk nan Liy Dirèk Eta New York pou Bay Ransèyman sou Teworis nan nimewo 1-866-SAFE-NYS (1-866-723-3697). Tout koutfil yo gratis, epi y ap rete konfidansyèl nèt. Pou rapòte ijans oswa krim k ap fèt, rele 911.

Kounye a ou kapab Wè yon Bagay, Voye yon Bagay!

Aplikasyon ki rele “Wè yon Bagay, Voye yon Bagay” pèmèt nenpòt moun kapte aktivite sispèk sou fòm yon foto oswa nòt ekri, epi voye enfòmasyon yo nan Sant Ransèyman Eta New York (New York State Intelligence Center). Apati pwen sa a, n ap revize ransèyman yo epi si yo enpòtan, n ap voye yo ba ajans lapolis konpetan. Aplikasyon an, ki kapab telechaje gratis pou moun ki itilize telefòn iPhone ak Android, gen ladan tou enfòmasyon sou sa pou chèche ak sou lè pou rapòte aktivite ou sispèk. Telechaje aplikasyon an sou sitwèb NY.gov/SeeSendNY



FASON POU DEKRI KONPÒTMAN OU SISPEK

KIMOUN ou te obsève?
KISA ou te wè? Pa bay twòp detay.
KI KOTE ou te wè li?
KILÈ ou te wè li?
POU KISA li sispèk?

SI OU REMAKE AKTIVITE OU SISPEK

PA fè okenn aksyon dirèk.
PA pwovoke moun nan.
PA fè moun nan konnen ou sispèk li.
NOTE tout kantite detay ou kapab.
FÈ otorite yo konnen sa san pèdi tan.



AKTIVITE ESPESYAL POU SIVEYE

- Koli ki pa gen moun kote yo.
- Valiz kabin ou sispèk tankou gwo sakado, valiz jimnastik, ak malèt ki sanble peze plis pase nòmal.
- Plasman sakado oswa valiz nan yon konpatiman ki diferan avèk kote yo mete yo.
- Mete rad ki pa apwopriye pou kondisyon tan an, tankou mete yon gwo chanday, vès, oswa djakèt ki lach lè li fè cho. Rad ki pa pwopòsyonèl avèk gwosè kò moun nan.
- Kite valiz san moun pa kote yo nan espas piblik pou obsève pwosedi ak lè y ap bay repons pou sekirite.
- Moun k ap mache toutotou òganizasyon an, youn endepandan avèk lòt, y ap pran nòt ki swadizan sou operasyon ak reyinyon kòm yon gwoup apre yo anrejistre obsèvasyon yo pou konpare nòt yo.
- Anrejistre nan videyo epi/oswa fè pòtre ekipman tranzit an mas, enstalasyon transpò, pwosedi ak enfrastrikti sekirite.
- Yon moun ki sanble pa konnen antouraj li epi li konsantre sèlman sou yon objè oswa kote patikilye.
- Repons san presizyon pou kesyon moun poze souvan konsènan destinasyon; tantativ espere pou evite kontak avèk lòt moun oswa pou atire atansyon yo.
- Ap kesyone manm ekip yo konsènan orè, kantite pasaje, pwosedi ak ekipman sekirite ki abò.
- Ap eseye jwenn djòb nan yon sistèm tranzit an mas san fòmasyon ak/oswa kalifikasyon apwopriye.
- Tantativ pou abandone yon veyikil nan oswa toupre enstalasyon yon pakin tranzit.